



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

Pars Qvarta. De Bonis Traditis Tempore Cobeiensis Abbatis Tancmari Anno
877 Et Seqventi.

urn:nbn:de:hbz:466:1-36114

TRADITIONVM CORBEIENSIVM
PARS QVARTA,

QVA PERTRACTANTVR EA, QVAE TEMPORE

ABBATIS CORBEIENSIS

TANCMARI

TRADITA SVNT ECCLESIAE CORBEIENSI,

REGNANTE

HLVDOVVICO II,

INDE EX ANNO 877.

TRADITIONVM CORBEIENSIVM

PARS QVARTA

QVAE TRACTANTVR EA QVAE TEMPORIS

ABBATIS CORBEIENSIS

TANCMARI

TRADITA SVNT ECCLESIAE CORBEIENSIS

REGNANTE

BLAVACCO R.



§. 261.

Tradidit buccu mansum unum in *laarun* (v) et habet mancipia latof hof anno marclif gerlif ricuini adaluini affuui reduui ansmof hrod-burg fassin. isti uero sunt qui medietatem operif facere debent liudraduf thiadraduf.

§. 262.

(v) *Laarun* villa fuit in pago *Westfalon*, vti asserit Saracho abbas in Registro nostro, De villa sæpissime excitato. Intelligimus vero denotari per pagum *Westfalon* pagum *Laarun* specialem *Westfalon*, quem in ducatu *Westfaliae* existitissæ docuimus supra §. in pago *Westfalon*. 178. atque in eo quoque deprehendimus vicum *Laar*, in quo liberi Barones de *Westfalon*, vasalli *Corbeiensis*, prædium habent, de quo in *clientela Corbeiensis* pluribus. An *Buccu*, qui in villa *Laarun* hæc bona tradidit ecclesiæ *Corbeiensis*, sit *Burcardus*, qui anno 865 comes fuit in pago contiguo *Dreini*, id in medio relinquimus. *Buccu* seu *Bucco* sane deminutium est ex *Burcardo*, id quod sinceri antiquitarum Germanicarum perferutores non dubitabunt. Quod si vero hæc coniectura ad palatum tuum non est, tamen *Bucco* noster illius *Burcardi* comitis filius videri potest fuisse. Quemadmodum autem ideo cum nemine in arenam descendere volumus, ita non possumus non indicare memorabilem differentiam, quam iam obseruamus inter hunc et sequentes paragraphos, atque inter paragraphos antecedentes. Testes enim, qui in antecedentibus adducti, in hoc et sequentibus paragraphis omituntur. Fortassis id factum est, mortuo *Adalgario* *Corbeiensis* abbate. Videtur eiusdem successor putauisse, satis id esse, si tantum traditores et res traditæ annotarentur. Cum ergo *Adalgarius* abbas mortuus sit non anno 909, vti *Letznerus* cum *Gigante* perhibet, neque anno 869, vti *Stangefolius* pronunciauit, sed anno 877, vti *Chronicon* nostrum MSctum et coætaneum refert, arbitramur et nos, hanc ac sequentes traditiones fuisse defuncto *Adalgario* scriptas. Ne ergo vllius abbatis *Corbeiensis* obliuiscamur, liceat nobis, in sequentibus ad marginem *Thancmarum* abbatem annotare, qui

Ppp 2

quam-

Anno
877 re-
gnante
Hludo-
uico et

§. 262.

Tradidit herimannus unam familiam in *vancunbus* (w).

§. 263.

quamvis præfuerit tantum suis VII mensibus, et anno 877. 3 id. Septemb. sit mortuus, teste Chronico MS&do laudato; credere tamen libet, eodem gubernante Corbeiam, ecclesiam nostram quædam incrementa accepisse. Id ipsum concludimus e traditoribus, quorum probabiliter quidam eius consanguinei fuere. Cum autem rex Germaniæ *Hludouicus I* iam anno 876. 5 Kal. Sept. in palatio Franconofort diem suum vltimum obiisset, testantibus *Annalibus Rerum Francorum Fuldensibus* Tom. I. S. R. G. Freheri p. 48, quilibet facile perspicere poterit, nos in annotationibus, ad marginem positus, per regem *Hludouicum* designare *Hludouicum II*, regem orientalis Franciæ et regis *Hludouici I* filium. *Mortuo enim Hludouico I*, rege orientalis Franciæ, eius filii *Carlmannus*, et *Hludouicus et Karolus in pago Reciensi conuenientes paternum inter se regnum* (anno 876) diuiserunt, et sibi inuicem fidelitatem seruaturus esse sacramentum firmauerunt, cuius sacramenti textus Theutonice lingua conscriptus in nonnullis locis habetur, vt verbis vtar *Annalium* cit. p. 49. *Carolomannus* ergo Baioriam, Pannoniam, Carinthiam, Bohemiam, Morauiam; *Hludouicus* orientalem Franciam, Thuringiam, Saxoniam, Frisiam, Lotharingiam; *Karolus Alemanniam*, et quasdam ciuitates Lotharingiæ, propter vini ibi prouenientis copiam, accepit, testantibus *Rheginone* ad a. 876 et *Ottone Frisingensi* L. VI. *Hludouicus* itaque II Rex erat Saxoniam nostram et in ea Corbeiam ipsius, quamquam ille hoc honore diu gauisus haud fuerit, neque rerum summa diutius potitus sit, quam vsque ad annum 882, quo ad XIII Kal. Decembris, inualecente morbo, fato concessit. Ipsius corpus translatum et in monasterio S. Nazarii, quod dicitur *Lauresham*, iuxta patris tumulum sepultus est. Reliquit ipse regnum fratri *Karolo*, dicto *Craffo*, testantibus *A. R. F. Fuld.* l. c. p. 53 seqq.

De villa
Vrancun-
bus in pa-
go *Thiet-*
melli.

(w) *Vrancunbus* villa ponitur in nostro Registro in pago *Thietmelli*, quem in comitatu Lippiensi circa oppida *Detmold* et *Lemgo* existisse, iam supra §. 190 didicimus, vbi *Waldgerus* quidam pro anima patris sui donasse dicitur medium mansum in villa *Aldanthorpe* in pago *Thiadmelli*. Ad *Horen* urbem, in eodem comitatu Lippiensi reperiendam, inuenitur villa *Aldanthorpe*, atque inter *Horen* et *Lemgo* oppida secundum nostram sententiam villa *Vrancunbus* quondam existit, quanquam situm loci tam accurate, quam optamus, nondum indicare possimus. E prædiis interim, quæ tam *Waldgerus* quam *Herimannus* possederunt, colligere licet, eos fuisse fratres. Id si ita foret, *Waldgeri* atque *Herimanni* pater constitui posset *Herimannus*, quem filium *Widikindi Magni* appellauimus supra §. 104. Hic certe sita in eadem regione bona abbatiæ nostræ quædam largitus est. Videri enim potest *Herimannus* senior filio suo nomen, ex suo petitum, indidisse. Hoc tantisper posito, *Tancmarus* abbas, quem circa hæc tempora Corbeie nostræ præfuisse perhibemus, vel *Waldgeri* vel *Herimanni* filius fuisse videtur. Nomen enim *Tancmari* in familia *Widikindea* inusitatum non erat, vti ex *Bardonis I* fratre, *Tancmaro*, elucet. Videntur autem *Herimannus* et *Widikindus* ab abbate Corbeiensis *Tancmaro* inter fratres Corbeiensis assumpti, vti membranæ nostræ ostendunt, germani fratres illius abbatis, vel filii patris sui *Waldgeri* fuisse, quibus quippe in clericatum receptis et tandem defunctis, bona eorum hereditaria ad reliquos *Widikindeos* transferint, vti ex traditionibus nostris videtur colligi posse. Interim nobis verisimillimum videtur, *Herimannum*, comitem pagi *Huuetago*, teste diplomate regis *Arnolfi* ad annum 889, quod supra §. 167, exhibuimus, nullum fuisse alium, nisi nostrum *Herimannum*, qui in villa *Vrancunbus* quædam, atque infra alia plura, largitus est, ad hæc bona tradenda probabiliter prouocatus, eo quod hoc tempore eius filius *Tancmarus* præfuit abbatiæ nostræ, eiusque filii vel fratris sui filii in chorum Corbeiensem recepti. Coniecturas damus, non axiomata.

(x) *Mede-*

§. 263.

Tradidit bernharius pro filio suo uolcmaro unam familiam in *medeli* (x).

gubernante
Corbeiam
Tancmaro.

§. 264.

Tradidit bernhardus comes duas familias (y) pro se et pro uxore eius hathli.

§. 265.

hodo tradidit unam familiam in *flosceresbus* (z).

tra-

(x) *Medeli* villa erat, Sarachone abbate teste, in pago *Guddinge*, qui quondam exstitit in dominio Homburgico, et nunc exstat in ea episcopatus Hildesienfis parte, in qua vrbs Gronau atque Eltze inueniuntur, nominatim in praefectura Poppenburgensi, vti docuimus supra §. 7. not. (n) *Medeli* villa ergo sita est in episcopatus Hildesienfis terra sub praefectura Poppenburg, nunc dicta *Meble* haud procul ab oppido Eltze, cuius Diaconus est ecclesiastes vici *Meble*. Confer Cl. Dan. Eberhardi Baringii *Descriptionem Sale Principatus Calenbergici locorumque adiacentium* P. I. p. 273. *Bernharius* autem, qui in villa *Medeli* haec tradidit, progenitoribus comitum de Poppenburg esse adnumerandus videtur.

De villa
Medeli
in pago
Guddinge.

(y) Verba, quae in codice nostro accurate legi non possunt, utpote per vetustatem detrita, ita supplenda esse, cum *manso* in pago *Suilbergi* in villa *Sceldise*, discimus ex abbatis nostri Sarachonis Registro. Quodsi autem pagus *Suilbergi* olim fuit in comitatu Dasselensi et prope Embecam situs, vti supra §. 167. demonstrauimus; tum citra dubium etiam *Sceldise* villa eodem circiter in comitatu olim repta et conspicua fuit. Nunc in toto illo tractu nullus eiusdem nominis vicus inuenitur. Eapropter *Sceldise* est recensenda inter villas desolatatas. Quamuis autem situm eiusdem loci tam accurate, quam optamus, definire nequeamus, concludimus tamen e situ pagi *Suilbergi*, *Bernhardum* comitem eundem fuisse, quem supra §. 104. not. (1) congruenter his traditionibus patrem Wegani, et filium Wichardi, diximus, quemque progenitoribus Northeimensium et Dasselensium comitum probabiliter inferendum esse docuimus, sperantes, eruditos alios rem hanc curatius inuestigaturos. Et si enim *Bernhardus* ille in sequentibus non appellatur comes, nihil tamen hoc impedit, quo minus credamus, eum vnum eundemque vtroque loco hominem fuisse. Vidimus enim iam antea, Ducis Saxoniae, Luidolfi, fratres, *Beuonem* et *Cobbonem*, modo nominari *comites*, modo tantum adpellari nude *Beuonem* et *Cobbonem*. Tamen e donis luculentissime patet, nonnisi vnos eosdemque homines indidem designari. Idem de nostro *Bernardo* factum esse, suspicamur. Quonam in pago hic *Bernhardus* comitatum suum hoc tempore habuerit, an in pago *Suilbergi*, an in *Hessi*, an in *Logni*, an in *Wikanauelde*, an in *Nethga*, an in *Tilithi*, non satis liquet.

De villa
Sceldise
in pago
Suilbergi.

(z) *Marchiones orientales* fuisse stirpis Brunonianae, vti iam supra §. 104. not. (e) indicauimus, definiri potest ex hac paragraphi nostri parte. *Flosceresbus* enim villa in nostro Registro traditur posita fuisse in pago *Tilithi*. Pagum *Tilithi* olim exstitisse ad *Wiseram* in vtraque *Visurgis* ripa circa oppidum *Bodenwerder* et *Hamelam* vrbes, iam supra §. 105. demonstrauimus. Vicum ergo *Fleerssen* ad riuum *Hamelam*, qui circa vrbes *Hamelam* se exonerat in *Wiseram*, villam nostram *Flosceresbus* esse, putamus. In eadem regione domini, e stirpe Brunoniana orti, bona sua hereditaria habuerunt, vti supra ad *nauseam* vsque audiuius. Iam porro dominus quidam, qui in eodem pago *Tilithi* bona hereditaria possedit, *Hodo* appellatur. Nonne ergo coniectemus oportet, *Hodonem* illum fuisse orientalium marchionum procreatorem? Inter hos omnino *Hodonis* nomen saepe recurrit. Adde, quod *Thiatmarus comes*, tempore *Heinrici* aucupis clarus, in eadem regione tenuit bona hereditaria. *Thiatmari* patrem fuisse *Hodonem*, prorsus improbabile non est.

De villa
Flosceresbus
in pago
Tilithi.

Anno
877 re-
gnante
Hludo-
uico et

tradidit albertus unam familiam in *gerwardesbus* (A)
tradidit hrohtuercus pro filio suo in *munuslo* (B)

§. 266.

Tradidit goddefrit pro uxore sua girminburg L mancipia et duos iur-
nals et L agros in *frithuwardesbus* (C)

§. 267.

De villa
Gerwar-
deshus.

(A) Villa *Gerwardesbus* erat sita in pago *Leri*, nostro Registro testante. Pagus *Leri* hic existit circa fluuium Hunta, in terris Osnabrugensis episcopatus orientem, atque per comitatus Diepholtani anfractus fluentem, atque in comitatu Oldenburgico Wiseram influentem. Per *Gerwardesbus* ergo intelligimus designari vicum *Gerden*, locum episcopatus Osnabrugensis. De *Alberto*, filio Cobbonis comitis, et satore comitum Tecklenburgicorum, egimus supra §. 104. not. (n), quantum instituto conuenit.

De villa
Munuslo
in pago
Merit-
hem.

(B) *Munuslo* villa in nostro Registro posita inuenitur in pago *Mersbhem*, qui in ducatu Calenbergico existit, ut supra §. 143 vidimus. In eodem autem ducatu usque in hodiernum diem reperiuntur vici, qui *Munsel* et *Ostermunsel* dicuntur, quorum vnus villa nostra *Munuslo* erit. Arbitramur vero vicum *Ostermunsel* nequaquam hic in censum venire. Habemus enim in manibus nostris octo autographa diplomata comitum Wunstorpiorum, Ducumque Brunsvicensium et Luneburgensium, in quibus ille vicus appellatur anno 1332 *Ostermuncl* (ita satis distincte legitur) anno 1338 *Ostermunle*, 1436, 1487, 1489, 1492, 1500 *Ostermuntzel*, et 1576 *Ostermunsel*. Vnde concludimus, vicum *Ostermunsel* villam nostram *Munuslo* esse non posse. Si enim villa *Ostermunsel* denotaretur, indubie villa nostra *Astermunuslo*, vel *Ostermunuslo* appellaretur. Quamuis autem villa *Munuslo*, seu *Munsel*, sita in pago fuerit *Mersbhem*, nihilominus tamen dignum notatu est, ab Erico duce Brunsvicensi et Luneburgensi in litteris ad annum 1495, quarum compendium exhibet beatus G. S. Treuerus in *der Geschlechts Historie der Herren von Munchhausen* p. 109, vicos *Munsel*, *Ostermunsel*, *Berkenfenn* et *Northemm* poni in *der Gbo to Sesse*. *Munuslo* praeterea haud multum differt a loco *Mandeslo* seu *Mandelulo*, vnde stirps generosissima adhuc tradit cognomen. Queritur porro, ad quamnam familiam spectauerit *Hrohtuercus*, qui pro filio suo mansos V in villa *Munuslo* tradidit? Profitemur hic ignoracionem nostram. Si filii nomen in his traditionibus nominatim exprimeretur, posset certi aliquid defini. Quodsi vero familia Widikindea in eodem pago *Mersbhem* bona hereditaria possedit, ut iam supra demonstrauius, *Hrohtuercum* ad eandem pertinuisse, negare nolumus. Quamuis autem copulam et connexionem eius genealogicam cum gente Widikindea accurate docere et ostendere nequeamus; *Hrohtuercus* tamen prouocatus ad haec bona tradenda videtur, partim beneuolentia erga consanguineum suum abbatem Corbeiensem *Tancmarum*, partim amore erga filium suum *Bardonem*, qui, *Tancmaro* suis praesidente, monasterium Corbeiese, *Benedicto* nomen daturus, intrauit, ut membranae nostrae adprobant. Si probabile foret, illum *Bardonem* huius *Hrohtuerci* fuisse filium, tunc statuere vellemus, *Hrohtuercum* comitis *Bardonis* I fuisse filium. *Bardo* enim, cenobita Corbeiensis, ab auo nomen suum videtur accepisse.

De villa
Frithu-
wardes-
hus in pa-
go Sul-
bergi.

(C) *Frithuwardesbus* villa erat sita in pago *Suilbergi*. Sic *Saracho* abbas annotauit. Quodsi igitur pagus *Suilbergi* fuerit in comitatu Dasselienis et Principatu Grubenhagico positus, nullus autem huiusmodi nominis vicus in toto illo tractu restet, sequitur, villam *Frithuwardesbus* villam iam esse desolatam. Suspicio, illam in saltu Sollingano existisse. Nam ad *Friwarshufam* ibi monasterium *Bursfelde*, a progenitoribus comitum de *Norheim* et *Dassel* fundatum, olim possessiones quasdam tenuit. Verisimillimum ergo est, *Goddefritum*, qui sita ad hanc villam quaedam tradidit, ad progenitores comitum Dasselienis et *Norheimensium* referendum esse, siquidem in nostro Genealogico schemate, eorundem comitum, supra §. 104. not. (1) producto, domini quidam ad idem stemma spectantes

§. 267.

Tradidit tette unam familiam in *radenbeki* (D)
tradidit herimannus duas familias in *errikesbus* (E) et in *radi* (F)

guber-
nante
Corbe-
iam
Tanc-
maro.

§. 268.

Tradidit hoholdus pro matre sua adan unam familiam in *uorste* (G)
cuius nomen mainheri.

§. 269.

Aile tradidit unam familiam in *emmidesbus* (H)

§. 270.

Tradidit oda unam familiam in *geruwigesbus* (I)

§. 271.

stantes reperiuntur, qui eodem nomine insigniti deprehenduntur. Suspiciamus itaque, *Goddefritum* nostrum filium fuisse *Theodardi* et fratrem *Suitbari* atque *Eilberti*, quorum ille nepotem, hic vero filium eiusdem nominis *Goddefriti*, habuit.

- (D) *Radenbeki* villam fuisse in *pago Westfalon*, refert abbas Saracho in Registro. De signari intelligimus per eam vicum Recksbeck, in ducatu Westfalia positum, ad iura nobilium dominorum de Hörde, vassallorum Corbeiensium, spectantem. Tette ergo, quæ in eadem villa familiam unam cum XXX agris donavit, fuit forrassis amita abbatis nostri *Tancmari*, et soror *Herimanni* comitis. Suspicio hæc innititur partim nomine, partim bonis. Cum enim *Tetta*, abbatissa Herifordensis, Alfrici I Widikindei filia fuerit, vti §. 99 et §. 104 vidimus, *Tetta* nostra per coniecturam legem eiusdem Alfrici I neptis ex fratre non esse non potuisset.
- (E) *Errikesbus* villa erat eminens in *marca Sturmethi*, Registro nostro testante. Cunctationem denotari intelligimus vicum *Eringsbusen*, in ducatu Westfalia positum, in quo usque in hodiernum diem homo proprius ad officium in *Monninghusen*, vulgo *zum Vitr - Amt in Monninghusen*, refertur. De eo officio egimus supra §. 176. not. (r).
- (F) Villa *Radi*, testante nostro Registro, fuit in *pago Westfalon*. Nulla ergo alia videtur, quam *Ruden* oppidum in ducatu Westfalia. In eadem regione familia *Widikindea* bona hereditaria habuit. Nihil ergo impedit, quo minus per *Herimannum*, dominum e gente *Widikindea* intelligamus, eundemque, qui supra quædam in *Vrancunhus* tradidit. Inter Comites *Werlenses* fuisse *Hermannos*, haud est obscurum.
- (G) *Vorste* villam fuisse in *pago Hessi Saxonico*, docet nos diligentissimus abbas Saracho in præstantissimo Registro. Eadem villa nobis videtur dudum fuisse desolata. Olim vero spectavit ea ad curtem dominicalem *Culite* seu *Culte* in principatu *Waldeccensi* intra præfecturam *Wetterburg*, vti indicatum est supra §. 229. *Hoboldum* ergo retulimus inter progenitores comitum de *Warborg*, de quibus nonnihil egimus supra §. 104. not. (n). Fortassis *Adan* fuit mater *Hoboldi* e gente *Widikindea* et comitis *Herimanni* soror, atque hoc pacto amita *Tancmari* Corbeiensis abbatis.
- (H) *Emmidesbus* villa erat sita, Sarachone abbate teste, in *pago Suilbergi*. Procul dubio denotari intelligitur vicus *Emissen*, seu vti vulgo pronunciatur, *Eimsen*, haud procul ab *Odasen* vico in *Grubenhagico* Principatu positus, cuius *Odasen* vici ecclesia est mater ecclesie, quæ in *Eimsen* Iesum adlectatur. *Aile*, seu *Adila* ad gentem eorum, qui progenitores fuerunt comitum de *Northeim* et *Dassel*, referri posse videtur. An filia fuerit *Bernhardi*, qui, testante §. 240, in villa *Osdegeshus* seu *Odasen* quædam tradidit ecclesie *Corbeiensi*, definire nunc non libet.
- (I) Iam pedem nostrum e *pago Suilbergi* in *pagum Bardengo* referimus. Villam enim *Gerwigesbus* in *pago Bardengo* existisse, docuit vigilantissimus noster Saracho. *Pagum Bardengo* existisse in Principatu *Luneburgico*, iam supra §. 125. seq. docuimus. Villam itaque *Gerwigesbus* esse *Gerdebusen* in Principatu *Luneburgico*.

De villa
Raden-
beki in
pago
Westfa-
lon.

De villa
Errikes-
kus in
marca
Sturme-
thi.

De villa
Radi in
pago
Westfa-
lon.

De villa
Vorste in
pago
Hessi Sa-
xonico.

De villa
Emmi-
deshus in
pago
Suilber-
gi.

De villa
Gerwi-
geshus in
pago Bar-
dengo.

Anno
877 re-
gnante
Hludo-
uico et

§. 271.

Tradidit tunderunam in *bernulveshus* (K) unum mansum et XXIII iugera et quidquid ibi habuit.

§. 272.

Tradidit hosed pro filio suo hatholdo in *manderiuuesteian* (L) unam familiam.

§. 273.

Tradidit bernhardus pro filio suo uuegani familiam in *ofdegeshus*. (M)

§. 274.

Tradidit uualtberktus pro filio suo unam familiam in *agingehus* (N)

§. 275.

hatubert tradidit pro filio in *bernkaldeshus* (O) unam familiam.

rain-

burgico intra praefecturam Muden, haud procul ab Hermannsburg, omnino arbitramur. In eo pago *Bardengo* familiam Billinganam bona hereditaria possidisse, liquido inter omnes constat. Suspiciari itaque licet, illustrissimam *Odami*, filiam Billingi I. et uxorem Luidolfi ducis Saxoniae, auiam regis Heinrici aucupis, hic in censum venire. Cum enim illa demum anno 913 felicissimam animam creatori reddiderit, uti demonstraui supra §. 104. not. (w), ipsa eo tempore, quo haec tradita sunt, adhuc auram traxit vitalem.

De villa
Bernul-
veshus.

(K) *Bernulveshus* in Registro Sarachonis non memoratur. An tempore Sarachonis abbatis mansum et XXIII iugera non amplius possederit ecclesia nostra, id non liquet. Nescimus ergo, quanam villa intelligatur denotata.

De villa
Manderi-
westian
in pago
Hessi Sa-
xonico.

(L) *Manderiuuesteian* villa erat, Registro nostro teste, in pago *Hessi Saxonico*. Situm vero huius villae neque B. Hermannus Schminckius, Consiliarius atque Archiarius ser. Landgrauii Hassio-Casseliensis, amicus etiam post fata venerandus, neque ego inuenire potuimus. Illud laudatus Schminckius in literis, ad me datis, indicauit, se coniectare, villam hanc quondam ad siluam Reinhardswald, ubi villa olim multae fuerint, pleraeque vero iam desolatae sint, existuisse. Ut ea de sententia decedamus, nil est, quod nos mouet. Fuerit ergo situs villae *Manderiuuesteian* ad siluam Reinhardswald. Nihil igitur absurdi admisisse nos arbitramur, qui *Hosedum* cum filio eius *Hatholdo* ad familiam Brunonianam §. 104. not. (n) retulimus. Pagum enim Hessi Saxonicum ad familiam Brunonianam spectasse, coniecturauit aliquantisper Ioannes Georgius ab Eccard. Iam vero nemo sanae mentis amplius de hac insigni veritate dubitabit, consideraturus ea, quae haec traditiones passim significant.

De villa
Ofdeges-
hus in pa-
go Suil-
bergi.

(M) De villa *Ofdegeshus* seu *Ordageshus*, in pago *Suilbergi* sita, vide supra §. 187. et §. 199. Ibi monuimus, intelligi vicum *Odassen* in praefectura Rotenkirchen in Principatu Grubenhagico. De *Bernhardo* exposuimus supra §. 104. not. (l) et §. 264. not. (y).

De villa
Aginge-
hus in pa-
go Huue-
tigo.

(N) *Agingehus* villam fuisse pagi *Huuetigo*, affirmat Saracho abbas in Registro nostro. Pagum *Huuetigo* existisse in comitatibus Sualenbergico et Pymontano, iam supra demonstraui. Villa vero *Agingehus* iam dudum desolata est, olimque existit inter Steinheim oppidum et Sandbeck vicum, iam in episcopatu Eaderbornensi conspicuum. Cum igitur familia Widikindea in eadem regione non vna bona hereditaria habuerit, nomenque Walberti (*Waltberktus* enim vnum idemque cum nomine Walberti esse videtur) in eadem gente fuerit tritissimum, probabilis coniectura dicitur, *Waltberktum* hunc eidem stemmati esse inferendum, licet connexionem genealogicam accurate ostendere nequeamus.

De villa
Bernkal-
deshus.

(O) *Bernkaldeshus* villa in nostro Registro non reperitur. Nescimus ergo, quinam vicus significetur, an maior, an minor *Barekel* in dynastia vel praefectura Arrzen, an *Barcke* inter Osterode et Katlenburg, an *Borcken* haud procul a Defenberg castro

rainuardus pro se tradidit in *thudanbus* (P) unam familiam.

hildibodo tradidit pro filia sua in *upukus* (Q) XX. iugera.

tradidit thiatbertus pro filio suo in *ualuburgun* (R) unam familiam.

guber-
nante
Corbe-
iam
Tanc-
maro.

§. 276.

uarinus tradidit pro patre suo alfdago in *hildimereskus* (S) unam familiam.

uarinus tradidit pro mansiuthe in *rikinem* (T) unam familiam.

§. 277.

uudugo tradidit pro ode in *nagiri* (U) unam familiam.

athalhardus tradidit in *erpeskus* (V) quatuor familias.

§. 278.

castro episcopatus Paderbornensis, an *Barckbusen* locus episcopatus Mindensis, an *Barckbusen* in dynastia Buren, an *Barckbusen* in episcopatu Osnabrugensi prope Ozede, an *Benckbusen* in praefectura Eisenberg intra principatus Waldeccensis terras, an *Bergbusen* in Landgraviatus Hassiae tractu, an *Bekernigbusen*, olim feudum, quod nobiles Domini de Groten tenuerunt ab ecclesia Corbeiensi, an alius vicus.

- (P) *Thudanbus* villa erat, testante nostro Registro, in pago *Huuetigo*. Indicatur De villa *Thudan-*
Tienbusen seu *Tidenbusen*, inter Steinheim oppidum et castrum Grevenborg in bus in pa-
episcopatu Paderbornensi. Grevenborg locus subest iuribus domini comitis de goHuue-
Oynhausen, *Tidenbusen* vero ad iura domini comitis de Haxthausen, refertur. tigo.
Olim vero uterque locus relatus fuit ad comitatum Sualenbergensem. Non
incongrue ergo *Rainwardum* ad familiam Widikindeam referimus, siquidem in-
fra §. 344. *Reynwertum* quendam deprehendamus, qui appellatur *filius Widikin-*
de, qui sita in pago Almunga quaedam tradidit, olim gentis Widikindeae tractu.
Conclusimus autem ex his, *Rainwardum* nostrum familiam suam in villa *Thu-*
danbus tradidisse adhuc eo tempore, quo Tancmarus, abbas ecclesiae Corbeiensi
praefuit. Provocatus enim videtur Rainwardus ad haec bona tradenda singulari
benevolentia erga consanguineum abbatem. Conf. infra §. 339. not. (A).
- (Q) *Upukus* villa in nostro Registro non inuenitur. Quinam ergo vicus intelligatur, De villa
mihi non patet. Crede, quod adlubescit. Upukus.
- (R) *Valuburgun* erat, Sarachonis Registro testante, in pago situm Gudingo. Videtur De villa
intelligi vicus *Veltbergen*, quondam obuius in episcopatu Hildesheimensi inter Valubur-
Banteln et Gronau oppidum. Locus dudum desolatus est. Ad quam vero stir- gun in
pem spectauerit *Thiatbertus*, qui sita intra hanc villam bona quaedam donauit, pago
id incertum est. Fortassis ille fuit ipse filius Hildiberti, qui supra §. 239. qua- Guddin-
dam dicitur largitus, et cuius frater fuit Teodbertus. Nomen enim accepisse go.
videtur *Thiatbertus* noster, a patruo suo peritum. Quomodo autem dominus,
ad progenitores comitum de Euerstein referendus, acquisiuerit in pago Gudin-
go, id est obscurum, nisi perhibere velis, ea fuisse ex hereditate ducis Ostfala-
rum Hefsi seu Asig ad ipsum translata.
- (S,T) *Hildimeresbus* et *Rikinem* villae erant, Sarachone abbate teste, in pago Hefsi De villis
Franconico sitae. Intelleximus ergo iam supra §. 216, per *Hildimeresbus* designa- Hildime-
ri Elmershausen, locum inferioris Hassiae; *Rikinem* vero villam esse putamus vi- reshus et
cum *Redikem* in media Hassia, sed ditionis Moguntinae. Neminem ergo fore Rikinem
speramus, qui inficias iuerit, *Warinum* nostrum fuisse consanguineum regis Ger- in pago
maniae Conradi I, ac pronepotem ducis Gerhao, quem fatorem veterum Land- Hefsi
grauiorum Thuringiae et Hassiae fuisse, ibidem statuimus. Franco-
nico.
- (U) *Nagiri* villa in nostro non reperitur Registro. Quinam ergo vicus sit denotan- De villa
dus, exponant illi, qui in tenebris norunt videre. Nagiri.
- (V) *Erpesbus* villa erat, Registro nostro testante, sita in pago *Nitbega*, qui, ut supra De villa
vidimus, fuit ad fluuium dictum die Neite in Paderbornensi et Corbeiensi prin- Erpesbus
cipatibus positus. Nullus ergo alius vicus intelligitur, nisi vicus *Erbfen*, locus in pago
episco- Nitbega.

Anno
877 re-
gnante
Hludo-
uico et
guber-
nante
Corbe-
iam
Tanc-
maro.

§. 278.

daedi tradidit pro se et uxore sua alfered in *doddonbus* (W)
unam familiam.

§. 279.

erdag tradidit pro coniuge sua gherburgh unam familiam in
Calerike et aliam in *duerun*. (X)

TRA-

episcopatus Paderbornensis inter Erwitte, Heste, Pömsen et Nihem oppidum.
Probabilissime ergo *Atbalhardus* est *Adalhardus*, qui fuit pronepos Brunonis, An-
gariorum ducis, de quo egimus supra §. 104. not. (n).

De villa
Doddon-
bus in pa-
go Tili-
thi.

(W) *Doddonbus* villam fuisse in pago *Tilithi*, annotavit Saracho abbas in Registro, sa-
pissime excitato. Igitur sine dubio intelligitur vicus *Doensen* inter Cappellenha-
gen cis, et Delmissen trans, montem Nite. Ecclesiae loci *Doensen* est filia ec-
clesiae in Halle in Principatu Guelpherbytano. Cum vero nomen Dedo, Dodo
vel *Daedi* contractum sit e *Theodorico*, neminem dubitaturum putamus, *Daedum*
nostrum, qui sita in villa *Doddonbus* quaedam tradidit, fuisse *Tbiadricum*, relatum
inter progenitores comitum Euersteinsium supra §. 104. not. (n) pronepotem
ducis Angariorum Brunonis. Vxor eius *Alfereda* probabilissime quibusdam fi-
liabus nomina progenitorum comitum de Euerstein indidit. In *historia* enim
nostra *Corbeiensi* quaedam matronas, eodem nomine insignitas, producemus, quae
omnino ad Euersteinsenses videntur Comites referendae.

De villis
Calerike
et Duerun
in pago Hessi
Franco-
niao.

(X) Cum villae *Calerike* et *Duerun* in pago *Hessi Franco-nico* fuerint, nostro Registro
testante, illaque sit vicus *Keller* in inferiori *Hassia*, haec vero *Duren* sub ditione
serenissimi domini Landgraviü *Hesso-Cassellani* posita, inde sit verisimile, *Erdagum*,
qui bona habuit hereditaria in eisdem villis, progenitoribus veterum *Hassiae* co-
mitum esse adnumerandum. In villa *Duerun* *Esico* comes monasterio *Fuldensi*
quaedam bona tradidit. Nonne ergo credamus oportet, *Erdagum* nostrum de-
scendisse ab isto *Esicone*, et potentem dominum in *Hassia* fuisse? Nemo sane
mentis id poterit ire inficias, inprimis, cum iam supra §. 216. indicauerimus,
Gherburgham *Erdagi* nostri vxorem fuisse filiam regis *Hludouici*.

